

www.BibleForChildren.org


Madiu 1




Elisabeti 'ina wai'ena sikisiina, ma tutaina 'oina
Yehoba 'ina anelose sanina Gebeliyela 'ihesumaneya
ma 'itauya tupwa Galili 'asa 'aigeda sanina Nasaleta
'oina, ma wahine 'aigeda nuwanuwadeyana sanina Meli
'oina 'ilatuwa. Gumalaulauina ma Yosepa tamadiyao
sitagwala ma sihehaiyedi. Yosepaina tauna Debida
tubuna.



Ta anelose 'igwaeya, "Meli,
sahena 'umatamatauta. Weyahina
Yehoba 'ina helau madou
hedadena 'oiuwa 'imiyamiya,
ma 'abwa nata 'ugamwa
ma natuu loheyana
'uhenatune ma
sanina 'ulagu, Yesu."



"Tauna nata 'aigeda tohewaiwai
madouna, weyahina 'abwa nata
tomota si'ita ma weyahina sigwae
'abehega tauna Tomiya Tabwana
Natuna, ma Bada Yehoba lolina
waiwai 'i'ebwae, gide tubuna
Debida 'ina lolina, ma'oinega
Yakobo'ina bodao 'iloinaedi,
mahesi'ina'ebeloinaina
geya'abwa 'igumwagumwala."



Coinega Meli anelose 'ihewaeya
'igwae, "Togidega nata bewa
'ilatu 'esa? Weyahina taugu
geya mwanegumo." Ta anelose
'igwaeya, "Yaluyaluwa Tabuna
nata'isuluma 'oiuwa,
ma Yehoba 'i'abi
hewaiwaiyego, ma
natuu bwebwe'ana
hedadena
ma he'asisina
'uhenatune. Tauna

nata sibwauwe
Yehoba
Natuna."




Ma tuta bewa mulina Meli 'itoholowa ma
Yudiya 'oyadiya 'itauya mwayamwayauwa,
Elisabeti 'ina 'asa 'oina 'ilatuwa.
Cilatuwa ma Sakaliya 'ina
hada 'oina 'iluhuwa ma
nibainaina Elisabeti
'ihelauweya.




Beno 'oina Elisabeti nibainaina 'ina helau
'ihesagoheya ma gamwanega gwamaina
'imwasala, ma wete Yaluyaluwa Tabuna
Elisabetiina 'ilohemaheya,
ma 'enana madounega
'iwuiya 'igwae, "Nibaya,
Yehoba 'ihelauwegowa,
geya 'eta wete
wahine gidemusa
'owa. Ma 'abwa
natuu 'uhenatune
gomagoma bwainina."



Bewa gide To'abihetena Yesu 'ina li'u. Yesu sinana
Meli silosonaneya Yosepa
ba'idana, ta 'abwa geya
simiyaluwa ma Meli 'igamwa,
ma 'ina gamwaina Yaluyaluwa
Tabuna 'oinega. Ma
Yosepaina 'inuwagala
Meli 'ina gamwa
weyahina. Tauna
loheya bwebwe'ana,
ta geya nuwana ma Meli
'igihemwadine, ma
'inuwatuhu 'abehega
'ilogwahata gahuwe.





Ma Yosepa 'ina nuwatuhu 'abwa 'ipaipaihowa, ta 'ina
tuta 'enowa nihiyega Yehoba 'ina anelose 'aigeda
'ihewaeya, 'igwae, "Yosepa, 'owa Debida tubuna,
sahena 'unuwanuwagala Meli 'ina gamwa
weyahina, beno Yaluyaluwa Tabuna
'oinega, tuwa 'eguma 'utoe mwaneu. Ma
'abwa natuna meloheyana 'ihenatune, ma
'uhesaniye sanina Yesu, weyahina
tauna 'ina tomotaiyao
'idi pui 'oidiyega
'abwa

'i'abihetedi."



Ma Yosepa 'eno'enowega 'itoholowa ta aneloseina
'ina gwae 'ihematamataneya, ma Meli 'ihaiya, ma
geya 'wapina 'i'iabitoho ma 'ana siga
'ihenatuna, ma Yosepa gwamaina
'ihesaniyeya Yesu.




Yoni 'ina tuta hesedaseda 'oina toloina 'aigeda
madouna sanina Sisa Ogusito 'imiyamiya, ma 'ina loina
'ilaguya ma 'abehega gogo
'aigeda 'aigeda tomotaedi
sanidiyao sileledi.
Coinega tomota
mabwaiyadi



sitauya 'asa tamadiya ma 'ane sanidiyao sileledi.




Yosepa wete Nasaletega 'itoholowa, beno Galili
'alonega, ma 'itauya Yudiya, Debida 'ina gogo sanina
Bedeliyema 'oina, weyahina
Yosepa tauna Debida 'ina
susu 'aigeda.
Coinega Meli
mahetena



sitauya
ma'abehega nobwa
sanidi sileledi, ma Meliina magamwagamwana.



Ma tutaina Bedeliyema
'oina simiyamiya ma 'ina
wai'ena 'iloba pwaiya ta
'ihenatuna, ...



... 'oinega gwamaina 'ale'owega 'iwaduya ma hebai 'idi
'ebe'ai 'oina 'ilaguya. Weyahina hada taumana 'imaha
pwaiya, ta geya 'aigeda
wete sawasawahina
ma 'oina siluhu.




Ma tupwaina 'oina sipi 'adi to'itayahinao hinuwana
si'o'oyatola pwatula, ma 'idi sipiyao si'ita'ita yahidi,
ma Bada 'ina anelose 'ilohe'ate

yohodiya
ma 'ina
'asilalega
mabwaiyadi
simatauta.



Coinega aneloseina 'ihewaediya, 'igwae, "Sahena
wamatamatauta, ma hesi wayaliyaya, weyahina wasa
bwebwe'ana ya'eweyama 'oimiya, ma
nata tomota mabwaiyadi

wete 'idi
'ebe
yaliyaya."



"Ma wasaina bewa, nige hinuwanaina
Debida 'ina 'asa, 'ami To'abihetenaina
'ili'uwa, Tauna 'ida Bada Keliso."



"Coinega 'ana 'ebe lo' inana bowa, ma 'eguma
gwamaina 'ale' o 'oinega siwaduya ma hebai 'idi 'ebe' ai
'oina 'i' eno' eno waloba, tauna tuwa
beno gwamaina."






Ma tutaina 'oina anelose wete baibaiwadi galewega
sihuhulaima, ma Yehoba sihehepwatuwe,
sigwaegwae, "Yehoba galewa
tahepwatuwe,
ma

bale' uwa taudi
'ihelauwediya
simiya yaliyaya."



Cigumwala ma aneloseyedi sihila pwaiya
galewa, ma sipi 'adi to' itayahinao
siboidimo 'oidiya sigwae, "Bedeliyema
'oina tatauya ma ginaulaina Bada
'ihepwaileya ta'ita."




Coinega silomwayamwayauwa ma sitauya,
ma Meli ma Yosepa ta wete gwamaina
hebai 'idi 'ebe'ai 'oina 'i'eno'eno
silobeya.



Nage 'oina si'iteya ma gwamaina tamana
ma sinana sihegwaediya to'aha gide
anelose 'ina gwae 'oidiya gwamaina
weyahina.



Tutaina Yesu
'ili' uwa Bedeliyema
'oina, Helodi tauna
'iloiloina Yudiya
'alona. Ma
tutaina 'oina



tupwadi tosanasanapuwao tupwa
bomatuwega sitauyama ma
meYelusalema 'oidiya sihesilala,
sigwae, "To' eha meYudiya
'idi kini hauhaunaina?"




"Casanapuya 'ili' u
pwaiya, weyahina
'ina 'ipwala 'a'iteya
tupwa bomatuwega
'isaehaneya,




'oinega 'atauyama
sabi 'etuluha 'oina."



Coinega Helodi
tosanasanapuvedi
'ibwau gahuwediya,
ma 'oidiya 'ihesilaleya
tutaina 'ipwalaina
'ilatu hohauwa.



Cihesilala ma 'idi
hemaisa 'ihesagoheya
ma 'iloinaediya, 'igwae,
"Watauya Bedeliyema
'oina ma gwamaina
wa'ebese bwaibwaini, ma
'eguma walobeya wahilama
'oiguwa ma wahepwaila,
ma taugu wete yatauya ma
ya'etuluha 'oina."



Nage 'oinega silatuwa ma sitauya, ma 'ipwalaina
mwalo tupwa bomatu 'oina si'e'ebubuya matadiya
'isaehaneya tauna simuliyeya ma tupwaina
'ipwalaina 'isaemasiya 'oina
sitauya ta gwamaina silobeya,
ma 'ipwalaina weyahina

siyaliyaya madou
hedada. Gwamaina
silobeya ma
siluhuwa hadai ma
gwama sinana Meli
ba'idana
si'itediya,

ma si'etuluha
gwamaina
'oina.



Wete helauwedi si'ewedima ma gwamaina 'oina
silagudiya, beno goula ma 'inisenisi ma wete mulo.

Ma muliyetega nihiyega Yehoba
'ihemataluwediya ma sahena
Helodi 'oina sihilahila, 'oinega
sitoholowa ma mali 'edega
sitauya
'idi 'asa.



Sitauya, ma hesi Yosepa
'oina anelose 'aigeda
nihiyega 'ilatuwa ma
'ihewaeya, 'igwae,
"Yosepa, 'utoholo ma
gwama masinana 'utoedi
ma wadena tupwa
Itipita 'oina ma nobwa
wamiyamiya ma'ana

siga yahemataluwego,
ma walohihilama."



"Cimi dena bewa huhuna,
weyahina Helodi nata
beno gwamaina 'i'ebese
ma'abehega 'ilohe' amasi."
Coinega nihuwanina 'oina
Yosepa 'itoholowa ma
gwama masinana
'itoediya ma
sitauya Itipita.



Ma Itipita 'oina simiyamiya
ma 'ana siga Helodi 'i' amasa.
Cidi miya taumanaina nage
ma 'abehega Yehoba
'ina gwae 'ilatu, gwaeina
'aigeda palopita
'ihewwaila nugeteya
'igwae, "Itipita 'oinega
natugu yabwauweyama."



Ma tutaina Helodi tosonogaedi
'iyamwa 'asaediya, weyahina
geya sihilama, 'idi 'abo
weyahina 'igamwasowala
madouna, ma 'ina lolina 'ilaguya
ta tolo'alehao 'ihewasaediya
Bedeliyema 'asanao
'oidiya,

...



... ma 'abehega gwagwama
loheloheyadi taudi 'adi bolime
'eluwa 'oinega 'isuluwa sida
lohe'amasidi. Gwagwamaedi
bewa gide 'adi lolina Helodi
'ilaguya, weyahina tosonogaedi
'idi gwae 'oinega 'isanapu
pwaiya



gwamaina 'ina
li'u 'ana tuta.






Itipita 'oina simiyamiya eeta
'ana siga Helodi 'i' amasa, ma
Yehoba 'ina anelose 'ilatuwa
Yosepa 'oina, ta nihiyega
'ihewaeya, 'igwae, "Yosepa,
'utoholo ma gwama
masinana 'utoedi ma
wahila Isileli 'oina,
weyahina gwama 'ana

'aleha 'i' amasa
pwaiya."




Sihilama ta Yosepa wasa 'ihesagoheya
'abehega Helodi
natuna Alekeleo
'ihesuwaheyeya ma
'ihetoloina tupwa
Yudiya

'oina,
ma Yosepa 'imatauta
ta geya nuwana 'itauya Yudiya
'oina, ma nihiyega Yehoba sanapu
'i'ebwaeya, ma 'isakowasiya 'itauya tupwa
Galili 'oina, ma 'ilo'asa Nasaleta 'oina.



Bewa 'oinega
palopitao 'idi
hepwaila nugeta
'ilatuwa
sigwae,



"Tauna 'abwa sihesaniye
gwama Nasaleta."



Comi tomiya
bale'u Yehoba
'ihelauwegomiya sinabwana, 'oinega
taugu natunaina 'aigeda tuwa 'itagwal
egauwa 'oimiya, ma 'oinega taiyawedi
'omi 'eguma wahemisaegau, geya
'abwa wahehesilae, ma hesi
yawasimi miyamiya
hatayana
waloba.



Loma 3:23 Weyahina mabwaiyada togala, ma tamiya
bwagabwaga Yehoba 'ina 'asilala 'oinega.

Loma 6:23 Weyahina pui 'ana maisa 'amasa, ma hesi
Yehoba 'ina helau beno yawasida miyamiya hatayana,
'ida Bada Yesu Keliso 'oinega.

Ibeliu 9:27 Tomota tauda 'ada lolina 'imiyamiya 'abehega
ma'aigeda ta'amasa ta muliyetega bwa'omatana.

Epeso 2:8,9 Moisa, 'ina 'eheleina 'oinega
'i'abihetegomiya 'imi hemisa weyahina ma geya waboi
'imi paihowa 'oidiyega, ma hesi Yehoba 'ina helau
'oinega. Cida 'abiheteina geya hene 'ida paihowa 'oinega
taloba, nata gide tanuwahane 'abehega tauda
tuwa 'ida waiwaiyega.



Loma 10:9,10 Ma 'abehega Yehoba 'i'etolemegita
'eguma 'ahwadega tatagwatagwala ma tagwae, "Yesu
'owa 'igu Bada", ma 'atedega tahemisa'e 'abehega
Yehoba Yesu 'i'abihe toholohileya 'amasega.
Weyahina 'atedega tahemiseya eeta Yehoba
'i'ahwa dumwaluwegita. Ta wete tahetohepwaila
weyahina, ma 'i'etolemegita.

Yoni 3:16,17 Comi tomiya bale'u Yehoba 'ihelauwegomiya
sinabwana, 'oinega taugu natunaina 'aigeda tuwa
'itagwalegauwa 'oimiya, ma 'oinega taiyawedi 'omi
'eguma wahemisaegau, geya'abwa wahehesilae, ma hesi
yawasimi miyamiya hatayana waloba.

Ta Yehobaina natunaina taugu 'ihesumanegauma
bale'uwa geya 'abehega yaloinaegomi, ma hesi yatauyama
'imi pui 'oidiyega sabi lemegomi.



1 Yoni 5:11-13 Ma 'ina hepwailaina 'abehega Natuna
'oinega yawasida miyamiya hatayana 'i'ebwaegita.
Ceguma taiya Yehoba Natuna 'oina 'imiyamiya, loheyaina
yawasina bwebwe'ana 'iloba pwaiya, ma 'eguma taiya
geya Yehoba Natuna 'oina, tauna geya.
Cimi leta bewa yalele pwaiyawa ma 'ane wasanasanapu
'abehega 'eguma Yehoba Natuna saninega
wahemihemisae, yawasimi miyamiya hatayana waloba.



Madiu 1-2; Luke 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Bunama Bible (bdd) © 1991, Wycliffe Bible Translators,
Inc. All rights reserved.

<https://live.bible.is/bible/BDDWBT/MAT/1>

©2026 Bible for Children, Inc.

www.M1914.org

www.bibleforchildren.org

